


# Årsrapport 2019

## Hardangervidda Fjelloppslyn

---



## **FJELLOPPSYNET er oppretta med heimel i Fjelleva og har sitt hovudvirke på statsallmenningane og skal:**

- Forebygge miljøkriminalitet og bidra til at offentlegrettslege reglar blir helde.
- Drive informasjon, tilrettelegging, skjøtsel, naturovervaking/registrering og kontroll. Fjelloppsynet skal prioritere forebyggande verksemd.
- Sjå til at grunneigar og rettshavar sine privatrettslege reglar blir helde.
- Medverke til ein berekraftig bruk av statsallmenningane og sikre viktige lokale og nasjonale samfunnsinteresser i områder der staten som grunneigar har eit spesielt ansvar.

(Jmf. instruks for fjelloppsyn godtkjent av Statskog og gitt i samråd med Statens naturoppsyn og Politiet)

Fjelloppsynet er tildelt avgrensa politimyndigheit og samarbeider med Politiet, Statens naturoppsyn, Statskog og vernemyndigheitene.

### **Hardangervidda Fjelloppsyn**

Fjellstyra på Hardangervidda as (FH)

Hovudkontor:

Kvinnegardslie 451, 3570 Ål

Tlf: 90213630

E-post: [hardangervidda.fjelloppsyn@fjellstyrene.no](mailto:hardangervidda.fjelloppsyn@fjellstyrene.no)

Heimeside: [www.hardangervidda-fjellstyra.no](http://www.hardangervidda-fjellstyra.no)

## Forord

Med denne årsmeldinga ynskjer me å gi ei kortfatta oversikt over aktiviteten til Hardangervidda Fjelloppsyn i 2019.

Fjelloppsynet er ei allsidig verksemd der kjerneoppgåver er oppsyn, informasjon og ulike former for skjøtsel i verneområda. Vidare bistår fjelloppsynet fjellstyra med å halde i stand fjellstyrehusværa i statsallmenningane og deltek i skjøtselstiltakt for forvaltning av vilt og fisk. Sekretærarbeid og dagleg drift av fjellstyrekontor er også sentrale gjeremål for dei tilsette i fjelloppsynet. Til sist bistår fjelloppsynet forskings- og forvaltningsinstitusjonar med innsamling av naturfaglege data. Samla aktivitet utgjorde 4,3 årsverk i 2019

Arbeidet til fjelloppsynet er finansiert av fjellkassene til fjellstyra på Hardangervidda og statlege middel over Landbruks- og matdepartementet sitt budsjett gjennom Statskog si refusjonsordning for arbeid i statsallmenningar. Vidare er det tilført middel frå Klima og miljøverndepartementet sitt budsjett gjennom tenestekjøpsavtaler med Statens naturoppsyn. Noko av arbeidet er betalt av Uni Resarch as og Norsk institutt for naturforskning. Fjelloppsynet er tildelt avgrensa politimyndigheit innan miljølovverka i Sørøst- og Vest politidistrikt og samarbeider tett med Politiet og Statens naturoppsyn.

Me vil takke oppdragsgjevarane og andre kontaktar for samarbeidet i året som har gått.

Mars 2020

Georg Gjøstein /s/  
Dagleg leiar

<b>1. Oppsynsarbeid</b> .....	<b>5</b>
1.1 Jakt .....	5
1.2 Fiske .....	5
1.3 Motorferdsel .....	5
1.4 Reaksjonsstatistikk .....	6
1.5 Kulturminner .....	6
1.6 Naturvernområder .....	6
<b>2. Fjellredningsarbeid</b> .....	<b>7</b>
<b>3. Informasjonsarbeid</b> .....	<b>7</b>
3.1 Generelt .....	7
3.2 Informasjonsarbeid på Tinnhølen og Haukelisetet.....	7
3.3 Heimeside.....	7
<b>4. Rekrutteringsarbeid</b> .....	<b>7</b>
4.1 Generelt.....	7
4.2 Fjellhelg for born og ungdom.....	7
<b>5. Registreringsarbeid</b> .....	<b>7</b>
5.1 Registrering av villrein – Rv 7 .....	7
5.2 Strukturtelling av villrein .....	8
5.3 Registrering av aktivitet på fjellrevhi m.m. ....	8
5.4 Tilsyn med foringsautomatar for fjellrev .....	8
5.5 Vatnprøver.....	9
5.6 Rovviltkontaktarbeid.....	9
5.7 Registrering av jerv .....	9
5.8 Databaser for naturfaglige registreringar og registreringar i verneområder .....	9
<b>6. Skjøtselsarbeid</b> .....	<b>9</b>
6.1 Skilting .....	9
6.2 Renovasjon.....	9
6.3 Skjøtselsarbeidet for fjellstyra.....	9
<b>7. Sekretariat</b> .....	<b>10</b>
<b>8. Organisasjonen</b> .....	<b>10</b>
8.1 Generalforsamling .....	10
8.2 Styre og Fjellopsynsutval .....	10
8.3 Tilsette .....	11
<b>Vedlegg 1 Totaloversikt over utført arbeid</b> .....	<b>11</b>
<b>Vedlegg 2. Spesifikasjon av arbeid for fjellstyra</b> .....	<b>11</b>
Arbeid for Røldal fjellstyre .....	11
Arbeid for Ulvik fjellstyre.....	12
Arbeid for Ullensvang fjellstyre.....	13
Arbeid for Odda fjellstyre .....	14
Arbeid for Øvre Numedal fjellstyre .....	15
Arbeid for Rauland fjellstyre.....	17
Arbeid for Eidfjord fjellstyre.....	17
<b>Vedlegg 3. Spesifikasjon av arbeid for Statens naturoppsyn</b> .....	<b>19</b>

# 1. Oppsynsarbeid

## 1.1 Jakt

### Villreinjakt

Tilsette i Hardangervidda Fjelloppsyn har hatt høg aktivitet under villreinjakta på Hardangervidda i 2019. Arbeidet var samordna med Politiet og Statens naturoppsyn. Det er laga ein særskild rapport for villreinjakttoppsynet. Ved sidan av ordinært kontroll- og informasjonsarbeid, var det fokus på rettleiing av jegerane om prøvetaking frå felte dyr for undersøking av CWD-sjukdom. Oppsynet organiserte også innsamling av kjevar frå villrein under jakta. Felling av villrein med fotrâte fekk eit særskild fokus hjå jegerane og oppsynet denne hausten.

### Småviltjakt

I 2019 var det rypejakt i alle statsallmenningane på Hardangervidda. Det vart utført kontrollar av oppsynspatroljane i det samordna villreinjakttoppsynet og dels i områder det var lite eller ingen aktivitet med omsyn til villreinjakt. Jakt på anna småvilt er også tillete, men synast å ha eit lite omfang.



Aure i god kondisjon. Foto HF, Harald N. Andersen

## 1.2 Fiske

Fjelloppsynet har kontrollert fiske med stong og garn. Fjelloppsynet møter fiskarar på ulike deler av vidda og fiskekort blir kontrollert. I 2019 var det sett av særskild tid til kontrollar i alle statsallmenningane.

## 1.3 Motorferdsel

Fjelloppsynet har delteke på særskilde kontrollar retta mot motorferdsel i utmark. Aktiviteten i 2019 føregjekk i Tinn, Vinje, Seljord, Eidfjord, Ulvik, Ullensvang, Odda, og Voss. Sommarstid er det gjennomført kontrollar med bilar og traktorar i og utanfor nasjonalparken ved Tinnhølen og etter godkjende sleper i Nore og Uvdal, Eidfjord og Ullensvang.

## 1.4 Reaksjonsstatistikk

Tabell 1. Antall kontrollerte

	Antall kontrollerte						
	2019	2018	2017	2016	2015	2014	2013
Motorferdsel	111	64	95	63	70	32	46
Småviltjegerar	26	11	5	14	0	5	1
Storviltjegerar	79	59	103	137	82	96	75
Fiskarar	24	11	21	57	17	31	58
Vernereglar	3	5	18	10			
<b>SUM</b>	<b>243</b>	150	242	281	174	164	181

Tabell 2. Antall advarslar og anmeldelsar

Tema	Antall advarslar					Antall anmeldelsar				
	2019	2018	2017	2016	2015	2019	2018	2017	2016	2015
Motorferdsel		6	1		3	4	5	2	8	9
Småviltjegerar			1						4	
Storviltjegerar	1		4		3	6	1		1	1
Fiskarar							1		1	2
Bandtvang	1	2	2	1			0			
Vernereglar	2	3	1						1	
<b>SUM</b>	<b>4</b>	11	9	1	6	<b>10</b>	7	2	15	12

## 1.5 Kulturminne

Fjelloppsynet har helde generelt tilsyn med kulturminne i nasjonalparken.

## 1.6 Naturvernområde

Fjelloppsynet har helde oppsyn med at vernereglane blir fylgd for Hardangervidda nasjonalpark, deler av Hallingskarvet nasjonalpark samt tre landskapsvernområde.

Tabell 3. Naturvernområde der Hardangervidda Fjelloppsyn har utført arbeid i 2019

Verneområde i Telemark:	Kommunar
<i>Hardangervidda nasjonalpark</i>	<i>Vinje og Tinn</i>
<i>Møsvatn Austfjell landskapsvernområde</i>	<i>Vinje/Tinn</i>
<i>Brattefjell Vindeggen landskapsvernområde</i>	<i>Vinje/Hjartdal/Tinn</i>
Verneområde i Hordaland	Kommunar
<i>Hardangervidda nasjonalpark</i>	<i>Eidfjord, Ullensvang, Odde</i>
<i>Hallingskarvet nasjonalpark</i>	<i>Ulvik</i>
<i>Skaupsjøen-Hardangerjøkulen landskapsvernomr.</i>	<i>Eidfjord og Ulvik</i>
Verneområde i Buskerud	Kommunar
<i>Hardangervidda nasjonalpark</i>	<i>Hol, Nore og Uvdal</i>
<i>Skaupsjøen-Hardangerjøkulen landskapsvernomr.</i>	<i>Hol, Nore og Uvdal</i>

## **2. Fjellredningsarbeid**

Fjellopsynet har ikkje gjeve bistand til politiet i særskilde redningsaksjonar i 2019.

## **3. Informasjonsarbeid**

### **3.1 Generelt**

Der er ei prioritert oppgåve for fjellopsynet å formidle informasjon til publikum. Samla er det gjeve informasjon til 710 personar i samband med feltaktiviteten til fjellopsynet. I den daglege drifta av fjellstyrekontor er det også gjeve informasjon til eit stort tal personar, men dette er ikkje talfesta.

### **3.2 Informasjonsarbeid på Tinnhølen m.m.**

Arbeidet med informasjonsarbeid sommarstid ved sentrale innfartsområder til vidda vart vidareført. Det meste føregjekk frå hytta ved Tinnhølen. Vidare deltok personell frå fjellopsynet på Røldalsmarknaden. Det vart gjeve informasjon om mange tema der fiske, ruteforslag, parkering, camping, padling, sykling og dyreliv var gjengangarar. Arbeidet vart utført i kombinasjon med oppsynsarbeid og skjøtsel.

### **3.3 Heimeside**

Fjellopsynet har ajourført heimesida til Fjellstyra på Hardangervidda as (FH). Det har vore kontaktinformasjon og nokre artiklar frå den lokale forvaltninga på Hardangervidda. Heimesida vert nytta for informasjon til brukarane av dei ulike Statsallmenningane.

## **4. Rekrutteringsarbeid**

### **4.1 Generelt**

I den daglege drifta av fjellstyrekontora arbeider dei tilsette i fjellopsynet med tiltak for å rekruttere ungdom til jakt og fiske.

### **4.2 Fjellhelg for ungdom**

I 2019 deltok personell frå fjellopsynet i arbeidet med å arrangere ei fjellhelg for born og ungdom.

## **5. Registreringsarbeid**

### **5.1 Registrering av villrein – Rv 7**

Tilsette i Fjellopsynet har arbeidd med å halde oversikt over villreinen sine rørsler i høve til Rv 7 i tråd men instruks frå Miljødirektoratet. Arbeidet føregjekk i hovudsak ved visuelle observasjonar og radiopeiling frå egna stader i terrenget. ”Dyreposisjonar” frå radiomerka villrein på Hardangervidda er eit viktig hjelpemiddel i arbeidet. Personellet skulle om mogleg hindre villrein å krysse vegen grunna ynskje om å hindra utveksling pga CWD situasjonen.

## 5.2 Strukturtejing av villrein

Fjellopsynet deltok med mannskap under strukturtejinga i 2019.



Fjellreven blir støttefora. Foto: HF, Sveinung Olsnes.

## 5.3 Registrering av aktivitet på fjellrevhi m m

Det vart gjennomført vinterkontroll og sommarkontroll av hi i same områda som det er foringsautomatar i Eidfjord , Ullensvang og Vinje.

## 5.4 Tilsyn med foringsautomatar for fjellrev

Det er halde månadleg tilsyn med foringsautomatar for fjellrev i Vinje, Eidfjord og Ullensvang. Det er etterfylt med for og viltkamera på automatane er fylgd opp.



Vasskvaliteten i Drageidfjorden i Eidfjord blir overvåka. Foto: HF, Harald N. Andersen



## **5.5 Vatnprøver**

Det er henta vassprøver frå fem lokalitetar. Dette var Svartavasstjønet, Svartavatnet, ”Krobbek” og Drageidfjorden i Eidfjord

## **5.6 Rovviltkontaktarbeid**

Personell frå fjelloppsynet har utført rovviltkontaktarbeid i Hardanger og i øvre Telemark. Det feltmessige arbeidet har vore skadedokumentasjon på husdyr sommarstid samt kontroll av felte gauper, fangstbåsar og dokumentasjon av spormeldingar vinterstid.

## **5.7 Registrering av jerv**

Personellet i fjelloppsynet registrerer rutinemessige jervespor i samband med feltaktivitet vinterstid.

## **5.8 Databasar for naturfaglege registreringar og registreringar i verneområde.**

Innsamla data har m.a. vorte overført til desse databasane:

<http://www.artsdatabanken.no/>

<http://nvs.villrein.no/sett-rein/>

<http://www.rovdata.no/>

<https://feltdagbok.miljodirektoratet.no>

<http://www.nina.no/Forskning/Fjellrev/Avlsprogrammet-for-fjellrev/Tilsynslogg>.

## **6. Skjøtselsarbeid**

### **6.1 Skilting**

Det vert rutinemessig ført tilsyn med skilting og informasjonspunkt i tilknytning til Nasjonalparken.

### **6.2 Renovasjon**

Det er frakta ut søppel frå fjellstyrehyttene og det er elles samla saman mindre søppelmengder i stinettet.

### **6.3 Skjøtselsarbeidet for fjellstyra**

For fjellstyra vart det utført transportar, renovasjonsarbeid, vedlikehald på hytter og bygningsarbeid samt internkontroll med brannverntilhøva. Arbeidet er gjort nærare greie for i vedlegg 2.



Tilsyn og vedlikeholdsarbeid på steinbu i 2019, Foto: HF Sveinung Olsnes

## 7. Sekretariat

Tilsette i fjelloppsynet har utført sekretærarbeid og stått for dagleg drift av fjellstyrekontor for fylgjande fjellstyre:

- Rauland fjellstyre, Sveinung H. Olsnes
- Røldal Fjellstyre, Harald Andersen
- Øvre Numedal fjellstyre, Hans- Jørgen Jahren
- Ullensvang fjellstyre og Fellesstyret for Ullensvang statsallmenning og Odda fjellstyre Steinar Lund
- Ulvik fjellstyre, Harald N. Andersen

## 8. Organisasjonen

### 8.1 Generalforsamling

Hardangervidda Fjelloppsyn er ein del av Fjellstyra på Hardangervidda as. Selskapet er heileigd av Eidfjord fjellstyre, Ulvik fjellstyre, Ullensvang fjellstyre, Odda fjellstyre, Røldal fjellstyre, Rauland fjellstyre, Øvre Numedal fjellstyre og Hardangervidda Grunneigarsamskipnad. Generalforsamling 2019 vart arrangert 12. juni.

### 8.2 Styre og Fjelloppsynsutval

Styret var samansett av styreleiarane i fjellstyra på Hardangervidda samt ein representant frå Hardangervidda Grunneigarsamskipnad. Vebjørn Håvardrud har vore styreleiar og Eivind Tokheim nestleiar. Øvrige styremedlemene har vore Marit Jortveit, Torgils Eide, Lars Kristian Eidnes, Knut Sygnestveit, Steinar Langesæter og Torleif Fresvik.

Fjelloppsynsutvalet var sett saman av Vebjørn Håvardrud, Steinar Langesæter, Marit Jortveit og Torgils Eide. Sekretærarbeidet er utført av Sveinung H. Olsnes (fungerande dagleg leiar fram til 1. juli)

### 8.3 Tilsette

Det har vore 6 fast tilsette medarbeidarar i 2019 (tabell 4.)

Tabell 4. Tilsette i 2018

Tilsett / kontorstad	Stillingsstorleik
Georg Gjøstein (dagleg leiar) ,Ål	100 % (permisjon til 1. juli)
Steinar Lund, Kinsarvik	100%
Harald Normann Andersen, Ulvik	100%
Sveinung Hylland Olsnes, Vinje	100 %
Hans- Jørgen Jahren, Rødberg	50 %
Sten-Rune Jensen, Uvdal	15%


### Vedlegg 1. Totaloversikt over utført arbeid

Oppdragsgjevar	Timeverk
Fjellstyra	5207
Hardangervidda villreinutval	29
Statens naturoppsyn	2053
Norsk institutt for naturforskning	8
Uni Research as	26,5
Andre private og offentlege	7323,5

### Vedlegg 2. Spesifikasjon av arbeid for fjellstyra

#### Arbeid for Røldal fjellstyre

Hardangervidda Fjelloppsyn har utført 247 timeverk for Røldal fjellstyre. Fjellstyret sin del av administrativ drift av oppsynet utgjer 72 timar.



Figur 2. Antall timeverk som er utført for Røldal fjellstyre.

## Sekretariat

Sekretærarbeidet er utført av Harald N. Andersen

## Oppsyns- og informasjonsarbeid

Det er helde oppsyn med fisket i vatna i nærområda til E 134 m.a. Ståvatn, Ulevåvatn samt andre nærliggande områder. Det var noko oppsyn under villreinjakta og oppsyn retta særskildt mot småviltjegerar på Haukelifjell.


Fjellopsynet har drive informasjonsarbeid frå fjellstyrehytta på Tinnhølen og under Røldalsmarknaden.

## Brannvernarbeid

Det er gjennomført internkontroll av brannverntilhøva på fjellstyrehyttene. Herunder er det ført tilsyn med brannvarslarar, eldstader, gasskokeapparat og skilting. Det er gjennomført kontroll med at brannsløkkingsapparata er i forskriftsmessig stand.

## Arbeid for Ulvik fjellstyre

Hardangervidda Fjellopsyn har utført 689 timeverk for Ulvik fjellstyre. Fjellstyret sin del av administrativ drift av oppsynet utgjer 185,5 timar.



Figur 3. Antall timeverk som er utført for Ulvik fjellstyre.

## Sekretariat

Sekretærarbeidet er utført av Harald N. Andersen.

## Oppsyns- og informasjonsarbeid

Det er utført noko oppsyn med fiske og småviltjakt.

Fjellopsynet har drive informasjonsarbeid frå fjellstyrehytta på Tinnhølen og under Røldalsmarknaden.

### Generelt tilsyn og brannvernarbeid

Det er helde jammleg tilsyn med Finsebu for å halde snurredoen i funksjon og sjå til at det er nok ved på hytta. Det er helde generelt tilsyn med fjellstyrehyttene.

Det er gjennomført internkontroll av brannverntilhøva på fjellstyrehyttene. Herunder er det ført tilsyn med brannvarslarar, eldstader, gasskokeapparat og skilting. Det er gjennomført kontroll med at brannsløkkingsapparata er i forskriftsmessig stand.

### Vedlikehald av hytter m.m.

Det er sett opp Lavvo ved Langavatnet. Det er bytta kledning på hytta i Søre Grøndalen og montert solcellepanel på hyttene.

### Transportar


Det er transportert gass, ved og anna utstyr til hyttene.

### Renovasjon

Det er frakta ut søppel frå hyttene.

### Arbeid for Ullensvang fjellstyre

Hardangervidda Fjelloppsyn har utført 768,5 timeverk for Ullensvang fjellstyre. Fjellstyret sin del av administrativ drift av oppsynet utgjer 210 timar.



Figur 4 . Antall timeverk som er utført for Ullensvang fjellstyre.

### Sekretariat

Sekretærarbeidet er utført av Steinar Lund.

### **Oppsøyns- og informasjonsarbeid m.m.**

Under villreinjakta var oppsøynspersonell til stades og kontrollerte jegerar i statsallmenningen. Det er drive generelt oppsøyn i statsallmenningen.

Fjelloppsøynet har drive informasjonsarbeid frå fjellstyrehytta på Tinnhølen og under Røldalsmarknaden.

### **Generelt tilsyn og brannvernarbeid**

Fjelloppsøynet har helde eit generelt tilsyn med fjellstyrehyttene.

Det er gjennomført internkontroll av brannverntilhøva på fjellstyrehyttene. Herunder er det ført tilsyn med brannvarslarar, eldstader, gasskokeapparat og skilting. Det er gjennomført kontroll med at brannsløkkingsapparata er i forskriftsmessig stand.

### **Oppføring av bygg**

Det vart bygd ny fellesdo på Hansbu.

### **Transportar**


Det er transportert gass, ved og anna utstyr til hyttene.

### **Renovasjon**

Det er frakta ut søppel frå hyttene.

## **Arbeid for Odda fjellstyre**

Hardangervidda Fjelloppsøyn har utført 313,5 timeverk for Odda. Fjellstyret sin del av administrativ drift av oppsøynet utgjør 69 timar.



Figur 5. Antall timeverk som er utført for Odda fjellstyre.

### **Sekretariat**

Sekretærarbeidet for Odda fjellstyre er utført av Steinar Lund.

### **Oppsøyns- og informasjonsarbeid m.m.**

Under villreinjakta var oppsøynspersonell til stades og kontrollerte jegerar i statsallmenningen.

Fjellopsynet har drive informasjonsarbeid frå fjellstyrehytta på Tinnhølen og under Røldalsmarknaden.

### **Generelt tilsyn og brannvernarbeid**

Fjellopsynet har helde eit generelt tilsyn med fjellstyrehyttene.

Det er gjennomført internkontroll av brannverntilhøva på fjellstyrehyttene. Herunder er det ført tilsyn med brannvarslarar, eldstader, gasskokeapparat og skilting. Det er gjennomført kontroll med at brannsløkkingsapparata er i forskriftsmessig stand.


## **Arbeid for Fellesstyret for Ullensvang statallmenning**

### **Sekretariat**

Hardangervidda Fjellopsyn har utført 279 timeverk for Fellesstyret. Fellesstyret sin del av administrativ drift av oppsynet utgjer 80 timar.

### **Skjøtsel**


Det er sett inn ny dør på steinbua ved Holmavatnet.



Figur 6. Antall timeverk som er utført for Fellesstyret

## **Arbeid for Øvre Numedal fjellstyre**

Hardangervidda Fjellopsyn har utført 1103,5 timeverk for Øvre Numedal fjellstyre. Fjellstyret sin del av administrativ drift av oppsynet utgjer 202 timar.



Figur 7. Antall timeverk som er utført for Øvre Numedal fjellstyre.

### **Sekretariat**

Sekretærarbeidet er utført av Hans- Jørgen Jahren.

### **Oppsyns- og informasjonsarbeid**

Det er utført oppsyn med fiske i statsallmenningen. Under villreinjakta var oppsynspersonell til stades i statsallmenningen og kontrollerte jegerar.

Fjelloppsynet har drive informasjonsarbeid frå fjellstyrehytta på Tinnhølen og under Røldalsmarknaden.

Sekretæren har arbeidd med å arrangere jegerkafear, heimeside og Facebook-oppdateringar for fjellstyret.

### **Generelt tilsyn og brannvernarbeid**

Fjelloppsynet har helde eit generelt tilsyn med fjellstyrehyttene.

Det er gjennomført internkontroll av brannverntilhøva på fjellstyrehyttene. Herunder er det ført tilsyn med brannvarslarar, eldstader, gasskokeapparat og skilting.

### **Vedlikehald av hytter m.m.**

Sekretær har teke hand om rydding og søppelorganisering og administrert arbeidet med forskjellig vedlikehaldsarbeid.


### **Transportar**

Det er utført transportar til fjellstyrehyttene sommar- og vinterstid. Sekretær har organisert og delteke på noko av transport av ved til hytter og buer.



## Arbeid for Rauland fjellstyre

Hardangervidda Fjelloppsyn har utført 172 timeverk for Rauland fjellstyre. Fjellstyret sin del av administrativ drift av oppsynet utgjør 43 timar.



Figur 8. Antall timeverk som er utført for Rauland fjellstyre.

### Sekretariat

Sekretærarbeidet er utført av Sveinung H. Olsnes.

### Oppsyns- og informasjonsarbeid

Det var oppsyn i statsallmenningen under villreinjakta. Det også utført kontroll med småviltjakt.

Fjelloppsynet har drive informasjonsarbeid frå fjellstyrehytta på Tinnhølen og under Røldalsmarknaden.


### Generelt tilsyn og brannvernarbeid

Fjelloppsynet har helde eit generelt tilsyn med fjellstyrehyttene.

Det er gjennomført internkontroll av brannverntilhøva på fjellstyrehyttene. Herunder er det ført tilsyn med brannvarslarar, eldstader, gasskokeapparat og skilting. Det er gjennomført kontroll med at brannsløkkingsapparata er i forskriftsmessig stand.

## Arbeid for Eidfjord fjellstyre

Hardangervidda Fjelloppsyn har utført 401 timeverk for Eidfjord fjellstyre. Fjellstyret sin del av administrativ drift av oppsynet utgjør 123 timar.



Figur 9. Antall timeverk som er utført for Eidfjord fjellstyre.

### **Oppsyns- og informasjonsarbeid**

Oppsyn med fiske i Eidfjord statsallmenning har føregått i ulike deler av allmenningen. Dette er m.a. Tinnhølen, Lakjen, Lågen, Dimmedalsvatnet, Bismarvatnet, Bessevatnet, Bjoreio, Drageidfjord, Svartavatnet og Svartavasstjørnet.

Under villreinjakta vart det helde oppsyn i deler av statsallmenningen sør for Rv 7.

Fjellopsynet har drive informasjonsarbeid frå fjellstyrehytta på Tinnhølen og under Røldalsmarknaden.

### **Prøvefiske**

Personell frå fjellopsynet utførte prøvefiske i Dimmedalsvatnet, Bismarvatnet og Bessevatnet. Prøvefisket hadde eit omgang på 24 garndøgn i kvart av vatna.

### **Generelt tilsyn og brannvernarbeid**

Fjellopsynet har helde generelt tilsyn med fjellstyrehyttene og gjennomført noko vinterklargjering av desse.

Det er gjennomført internkontroll av brannverntilhøva på fjellstyrehyttene. Herunder er det ført tilsyn med brannvarslarar, eldstader, gasskokeapparat og skilting.

Det er gjennomført kontroll med at brannsløkkingsapparata er i forskriftsmessig stand.

### **Vedlikehald og restaurering**

Arbeidet med å restuarere steinbua i Langavasshallet vart vidareført

### **Transportar m.m.**

Det er transportert ved, gass og anna forbruksmateriell til hyttene. Sjøppel er transportert ut av fjellet.

### **Anna**

Fjellopsynet har henta vassprøver i Svartavatnet, Svartavasstjørna, Drageifjorden og «Krobu bekk» Uni Resarch as gjev økonomisk stønad til arbeidet.

### Vedlegg 3. Spesifikasjon av arbeid for Statens naturoppsyn

<b>Tema</b>	<b>Timeverk</b>
Motorferdselkontrollar	299,5
Tilsyn med villreinen sin ferdsel i høve til Rv 7/ helsetilstand cwd	71,5
Fjellrevarbeid	479,5
Rovviltkontaktarbeid	91
Oppsyn under villreinjakta	1111,5
<b>SUM</b>	<b>2053</b>

Timeverka inkluderer tida til kontorarbeid. Arbeidet er rapportert i egne databasar jfr pkt 5.8.mm.